

تورلۇق يۈزدى

تۈرك اومياقلارنىڭ ئاسرافكارى ئابلىمىمۇمىن

جلد : ۱ — ۲۱

مارت ۱۹۲۸
اۋنىدىنچى سنە

صافى : ۳ — ۱۹۷

انٹوگرافیا موزہ سی متخصصی
پروفیسور مہ ساروش طرفین کین
آئی ایچندہ آنقرہ اوچاغندہ (خلفجیای
- غربجیای) موضوعی اطرافندہ
مہم پروفیسورانس ویرلشدی. چوق
اچمیتلی بولدیغمز بوقونفرانس عینا
بوآسخہ مزہ درج ایدیوروز .

خاص ملی حسك اویاتیقلفندن بو دورده بك بحث
اولناماز. حاكم عنصرك اصل اسمی اولان (تورك)
سوزنی قولانامیه هرکس اوتانیور و بو عنوانی
طاشیان آشاغی طبقه خلق ایسه، منورز سره بنجه میوردی.
ملی حسه مقابل اسلامی عنعنہ و بین المللی دینی رابطہ لر
دهاچوق پر ملونیور و (امت نبویه) سوزی (ملت)
سوزندن داما چوق رواج بولیوردی .

تورکیه ده منورلر اسکیدن کویلی مناسنه
قولانیلان (تورك) سوزنی بر ملت اسمی اولارق
آلدقلمز زمان آتجق تورك خلق قرون وسطائی
دوشونوش ملرزدن صیرلدی، و ملی حس ایلك مهم
ظفری قازاندی. اجتماعی تشکیلات میانده تاریخی وظیفه لر
کورهن تورك اوچاغنك (تورك درنكی) و (تورك بوردی)
بجوعه لرینك بو خصوصده اونوتولماز خدمتلی سبق
ایتمشد. هیجانلی کنجیلرک و کنجیلرک رهبر اولانلرک
فمالیقی سایه سنده متفکر صنف (تورکیلك) یولی
ملوتدی. اسکی قان غالب کلشیدی. زنجیرلری
قوپاران بوملیتیجی کنجیلر، آتاجیلرکمی یوککلره
اوچارق ملتک بشیک اولان آلتایلره قدر تاریخک
بو یوک وقعه لرینه باقغه فرصت بولدیلر. تورك اوچاغی
آتشنک صیجاقلندہ تورك کنجیلرکک اوچوش تجربه
لری سونجه تعقیب ایتدک. آرتیق عثمانی دکلر.
عرق و دین رابطہ لری آراسنده فرق کوزه تیوروز.
باشده تورك اوغلی تورکز: بو استقبال پروگرامک
قازانیلان ایلك ماده سی ایدی. فقط بو استقامتک مفصل
حرث پروگرامی حاضر لایه رق قوه دن فعله چیقارمق
یارینک وظیفه سی ایدی .

ملی انتباه یولنک طبیی بر نتیجه سی اولارق دیگر
برقاردهش شعبه سی تأسس ایتدی. جهان حریتدن
اولکی شرق سیاحتلرندن عودت ایدن برحار
متبمی وقتیلہ اورال آلتای داغلری آراسنده برابر
باشایان قردهش ملئر آراسنده حرثی رابطہ تک
تأسیسی دوشونیوردی. بودوشونجه آرزمان طرفندہ
حقیقته قلب اولدی. آوروپانک قلبندہ اجنبی ملئر آراسنده
پالکز قالدیغنی حسن ایدن بحار ملتی بو مفکوره ی
سومش وکندینه بنجه مشدی. بشته ده توران
جمعیتی شکل ایتدی. جمعیتک غایه و پروگرامی

محترم خاتمر، بك افندیلر !

خلفجیای و غربجیای اساسلری کوروشمک
ایستیورم. اجتماعی حیاتمزدہ ہر ایکی مفهوم مختلف
نقطه نظرلردن باقیش، مختلف دلیللرله تنویر
ایدیلشلیرینه کورده اک مهم تفکر موضوعلری تشکیل
ایدیلر. حتی بومجلسده بولونانلردن برچوق ذوانک
بنجلہ برلکده بومستلہ یه دوغریدن دوغری یه تورکلکک
حیات و محات مسئلہ سی اولارق باقدقلمز آمین .

یکی بر دیریلک کوسترن ملئلرک تاریخندہ ترقی
بوللرینک سچیلیمه سی و بوتون خلق طبقه لرینه مخصوص
هدفلرک تمینی قولای برایش دکلدر. یکی یکی فکرلر
قایناشیور، متفکرلر مسلکلی ایچون بر طاقم شکللر
قوریورلر، دستور اولاجق سوزلر آرایورلر. اجتماعیانچیلر
اجنبی ادبیاتک بر سوزو مجرد نظریه لرینه دالیورلر.
تاریخچیلر اجنبی ملئلرک اوپایش دورلری آراشدیرارق
ترقی و تکمیل تأمین ایدن اسباب و سائقلری تعیینه
چالیشیورلر. اداره جیلر اجنبی مملکتلره کیده رک این
نونه لری کورمک طانیق واولرلی گندی و ملئلرندہ
تطبیق ایتک ایچون سیاحتلر یاپیورلر. یکیلہ شمک
وایلرولہ مک آرزوسی مختلف جمعیت و درنکاره
سرایت ایدیور، فردلر آراسنده اک حرارتلی مباحثه
موضوعلری تشکیل ایدیور .

بوتون بولر کوستریورک، تورك جمعیتی و هر
تورك بر چوق یکیلکاره صوصامشدر. روسی عادتاً
قاینیور. داما مسعود استقبال ایچون مقدس بر حرب
آچمشدر. بوجاهدلرک بایراغی عجباناصلدر و با برافلرنده
هانکی دستورلر یازیلیدر؟ خاطرلرده درک، سقوط
ایدن سابق (عثمانی) نظام اجتماعیسندہ حاکم تورك
عنصرینک، حکمونیسی صاغلام اساسلره استناد
ایتیوردی. تام مناسیلہ بر ملی شعور و هر طبقه یه

متمدن ملتلك بىكلرجه سنه لك سىنىك محصله سىدر .
معاصریمز اولان غرب ملتلى بواىكى مدنیت وارث
اوله رق اونی ایلری کوتورمشلردر . بناء علیه اجتماعى
حیاتىك طبیعى تكمل وانكشافنى ایستبورسهك ، (غرب
مدنییتی) عنوانی آلتنده طائینان بواك مكمل بهمرى
مدنییتی قبول واوكا خدمت غایه سنى تعقیب ایتمه لی بز .
متمدن ملتلك تشكىل ایتدیكى برلكه داخل
اولق ایسته ین هر بویوك وكوچوك ملت بو طبیعى
یوله سلوك ضرورتنده در .

فقط غرب مدنیتك قبولی بزم ایچون نه دیمكدر ؟
تورك ملتى بین الملل مدنیت عائله سنه نه صورتله تطابق
ایده جكدر ؟ غربیه یاقلاشمق ایچون ملی اوصافزدن
تجرد لازمیدر ؟ اجنبی غرب بزى قیصقانچلقه
صافلادیغمز توركك كمزدن محروم ایده بیلیری ؟
بومعظم مسئله لر متفكرلى نه قدر اشغال ایتسه
برى وارددر . تورك جمعیتك بوتون طبقه لری بونی
حل ايله مشغول دیسهك جائزدر .

اصل سؤال حد ذاتنده بونلر دكلدر .
تورك خلقی غرب مدنیت عائله سنه قاتیماق ایسته یور ؛
بوراده ایكى عامل وارددر . برى تورك خلقی ،
دیكرى غرب مدنییتی . فقط بن شمدى صورارم :
بوايكی عاملی حقیقی ماهیتلریله طائیدیغمزى استراحت
قلبه سولیه بیلیری بز ؟ علم واجتماعیات نظرنده تورك
خلقى نه در ؟ صوكره غرب مدنییتی نه در و غربك
روحى نه در ؟ هر كسك كوره بیلدیكى خام شكلىرى
دكل ، بلكه هر ایكى عامله بىلك و وارقلرىنى تأمین
ایدن اصل روحلىرىنى قصد ایدیورم .

افندیلرم ، ظن ایتیه كى كه بواهمیتسز مسئله در .
بوكا هم فرد ، هم ده بوتون جمعیت جواب ویرمك
ضرورتنده در .

باشده برنجى عاملی تشریح ایده لم . كچن عصرلرك
مختلف شكل اداره و حیات اجتماعیه طرزلىنه باقارق
كورپورزكه ، بو ملت كندیسنی طائینتنجه یه ، دویورنجه یه
قادر چوق زمان كچمشدر .

عمانلى جامعه سنده دولتك طو براغنده یاشایان مختلف
عرقلر و ملتله داخلدی . اسلامیت ایسه ، بریوزینك بالعموم
مسلمانلرىنى عرق و ملیت فرقلىرىنى كوزه نمكسزین
هپسنى داها بویوك بر جامعه یه طوبلایوردی . دیگر
طرفدن تورانچیلر قان قارده شلىكى اساسنه مستند
فقط بوكون آرتیق لسانلری آیری و جغرافی نقطه
نظرندن ده یكدیكرندن اوزاق اولان قوملرك حرثى
رابطه سنى اعلان ایدیورلردی . یالكرز صوك سنه لرك

سیاستله اشتغال ایتهدن عرق و لسان اعتباریله
برلك تشكىل ایدن قارده ش ملتله آراسنده اجتماعى ،
حرثى ، علمى رابطه تأسیسی ایدی .
بویوك مقیاسده فعالیتیه كچیلدی . غرب ملتلى
آراسنده بعضیلرینك قوشقولا ندینی كورولدی .
بو حركت توركیه نك اسكى یا تختنه ده سرایت ایتدی .
تورانچیلیق حركتى عنوانی ویریان وقارده ش ملتله
آراسنده عرقى رابطه یی استهداف ایدن بومفكوره نك
جهان حرثى اثناسنده الله طوتیلر نتیجه لری ده
اولدی . قارده ش ملتله آراسنده باشده ماجارلر
وتوركلر اولدینى حالدده حرثى رابطه تأسسه باشلادی .
یوزلرجه تورك كنجى ماجارستانه كیده رك زراعى ،
صناعى و علمى مسلكلرده اوزون سنه لرچالیشدیله .
ماجارستان و توركیه ده حكومتك نیم رسمى برر
بوروسى ماهیتنده اولارق (تورك - ماجار دوستاق
یوردی) تشكىل ایتدی . حرب فلاكتله نتیجه له نوب
قاریشیق سنه لر آرایه كیرنجه بوتون ایشلر یوز اوستی
قالدی . جدی بر صورتده حاضرلانا ن كولتور
پروغرامى مع الاسف انتاج اولونامادی .

متاركه یی متعاقب تورك ملتى ده چوق آغیر كونلر
كچیردی . مملكت بارجالاندی ، قسماً اشغال
اردولرینك چیزمه لری آلتنده قالدی ، حیات ممت
مجادله سی بوتون آناتولى بی صارصدی . نتیجه ده
ملت قهرمانلى سايه سنده قورتولدی . حسن طاعك
كوندردیكى قوتلى برأل محقق اولان فلاكتدن ملتى
قورتاردی ، اونی شمدى مسعود صلح ایچنده ترقى
یوللرینه سوق ایدیورم .

بو صورتله تورك ملتلك یكى بر ترقى و تكمل
دوره سی كلدی .

جریانه حاكم دوشونجه (غرب مدنییتی ساحه سنه
كیرمك) دستوریه افاده اولنه بیلیر . ائتولوژی
علمك لسانیه سولیه ك اولورسه ، زبرده كى نتیجه یه
واربرز : بر یوزنده كله نك بوتون معناسیله تك بر
مدنیت وارددر ، اوده بین الملل دنیا مدنییتی در . كوچوك
جغرافی وحدتلك محلى حرثى ، ایسترایسته من ، نهایت بوتون
دنیا یه شامل اولان ، بو بین الملل مدنیتك قربانى
اولاجقدر . بوغیر قابل اجتناب تاریخی بر قانوندر .
نه قادر غیرت صرف ایتسهك ، یالكرز بزه مخصوص ،
بین الملل مدنیتدن آیری بر تورك مدنییتی هیچ بروقت
یاراتامایز . عمومى وهر ملتك عینى مقیاسده استفا .
ده سنه آچیق بشرى مدنیت واركن اساسا بوزا ئددر .
بوبشرى مدنیت الجزیره و بحرسفید حوضه سنده كى

(تورکچی) لری تورک عرقندن اولان وتورکجه قونوشان قوملری اجتماعی حیات عرقنه آلدیلر . اوزون تجربه لردن سوکره هرکک کوکای آناطولی یه باغلاندى .

وطنك ايلك اشغالى آنندن اعتباراً بو بويله اولمالی ایدی . عثمانلی سلاله سنك تاريخنه باقدیغمز زمان ، ايمبراطور اردولرينك اوزاق سرحدلرده کی جسم فعالیتی قارشيسنده حیرتن کندی میزى آلامایز . فقط بو اردولرك قوصوه صحراسنده ، بلغراد قلعه سنك آلتلرنده ، مهاج میدانده ، بودین جوارنده ، ویانه قابوسنده نه ایشلری واردی ؟ سلطانك برامری اوزریت نیل جواریله شمالی آفریقا قوم دریالرينك اشغالی ایمون تورک قانی نه ایمون آقیلی یوردی ؟ سکرز عصرلق تجربه دن سوکرا ملنك متفکرلری نهایت شو قناعته کلدیلر : تورکر ایمون دنیاده اشغالی ایجاب ایدن ، عرقی اکثریتی ، کشفات نفوسی ، لسانی واقتصادی و بالعموم مدنی وسائیلله محافظه سی اقتضا ایله بن یکانه ساحه قان و ترله بوغوریلان آناطولی طوپراغیدر .

بو طوپراغی عصرلردن بری تورکک صابانی سوریبور . زنگینک صفره سنه ، دینلنجینک طوربا سنه بو طوپراقدن اؤکک ینیشیور . بو کوکمی چینلی ، باشی دومانیل طاغلردر ، تورک روحنی بیانیجی آلردن کری یه چکن بو قوجا اورمانلردر ، خیشیرتسی ایله تورک یاوروسنه یننی سویله بن ... بورده کی فیرطنه لردر ، بوخلقه حرب تورکولری اوکره تن بو طوپراقلردر ، ده رینلکلرنده تورک بابالرينك آقی کیکلرینی ساقلايان بو طوپراقلردر ، اک بو بوک تورکک بر اصری اوزرینه بوتون دولنك یکی قلبنی ، یکی کوز بیکنی ، یکی سرکزی یاراتان ...

قرون وسطی اورتالرنده یاری دنیایی ضبطه چیقان بر قومک تکراراسکی یوردینه دوعه سی ایمون باشمزدن نه قدار فلاکتلرک ونه قدار زمانک کچمه سی ایجاب ایتدی .

فقط سویله بیلیر میسکرز ، تاریخ صفحه سنه ایلک کیره ن بوخلقی ناصلدی ؟ وطنی اشغال ایده نلرک عرق اوصافی طانیوری یز ؟ ایلک مزارلری نره ده در ؟ آنره پولوزی وسائیلی ایله کیکلرینی وقفا کیکلرینی اولچدکی ؟ . آسیانک قلبندن قوپوب کنن ایلک

مهاجرلرک مادی ومعنوی مدنیتلری ناصلدی ؟ . تورک کله سی نه دیمکدر ؟ . تاریخ اجتماعی نك هاکی سبیلری دولایسیله بونلره تورک دیدیلر ؟ . ایلک قبیله لرك برکمه تاریخ و جغرافیاسنی چیقارنا بیلیری یز ؟

آناطولی طوپراغی تورکر کلدیکی زمان طبیی بوش دکلدی . عرق و لسان نقطه نظرندن اسکی بریلری ناصلدی ؟ بولر ناصل تورکشدی ؟ .

تورک خلقی بوتون مادی ومعنوی واریقله طایبقی ایسترسه ک ، تدقیقات میزى بوساحه لره توجه ضرورتندیز .

خلق تدقیقاتنك ایکتیجی بو بوک قسنی بو کوککی تورکک عرق خصوصیتلریله حرقی وضعیتلرينك تمیینی تشکیل ایدر . بیلکیمز بو ساحه ده او قدار اکسیدرک ، لاعلی تعیین سؤالک ایمچدن چیقمق امکانش اولدیفندن ایشه القباسندن باشلامق ایجاب ایدر . اصولی صورتده انسان تدقیقاتی موضوع بحث اولنجه ، آناطولی خلقنك آنترپولوژیک تشکیلی حقنده بر فکرمن اولمالی ، وسائط فنیه ایله باشده وجودی اولچم لیدر . محلی تدقیقاتک مقایسه سندن سوکرا آتجاق آناطولینک آنترپولوژی خریطه سندن بحث ایده بیلیرز . بو بحث بین الملل ادبیاتده بو کوکته قدار مجهول بیاض بر صیغه تشکیل ایتکده در .

عین وجهله آناطولینک اسکی اسکان ووطن خریطه سیله اتنوگرافیا خریطه سندن محرومن .

خاق مادی ومعنوی مدنیتنك تدقیق تام معناسیله علمی حاضرلره و یارد بیلرک فداکارسیته وابسته در . تورک خلقنك هجرتی انشاسنده آسیانک کوککدن بحر سفید ساحلرینه قدار برابر کتیردیکی حرث ، یابانجی تأثیرانه معروض قالاسنه رغماً اسکی ایزلرندن بر چوغنی بوکونده محافظه ایتکده در . بر قومک اسکی مدنیتی ، اجتماعی حیاتی ، دیگر اقوام ایله اولان رابطه سنه متعلق خاطرلری ووثائق تعیین ایمون اتنوگرافیا علمنك کندینه کوره اصوللری ، نتیجه اعتباریله قاعده و قانونلری موجوددر . حد داننده بو هیچ بر یازمه اترک بحث ایتدیکی بو بوک تاریخدر . بو اسکی خاطرلرده تورککلک جمی (قولله کتیف) فعالیتلری ساقلیدر . هر قوم کندی ابتدائی جغرافی محیطنک چرچیوه سی داخلنده اومحیطک ایجاب اشد بر دیکی حیات وممیت

مجادله سی دورنی کچیریور. کندیسندن داهاقوتلی اولان عناصر طبیعی ایل چارپیور و نتیجه ده اوکا غلبه چالی اوکره نیور. قبل تاریخ بیکرجه سنه لك مجادله نتیجه سنده خلقك اسکی حرقی تشکیل ایدیور. اوزون عصرلر ایچنده فردك رولی تماماً سیلینیور. یالکز حرقی فعالیتك بر صفحه سی انسانك دائمی تکمل و ترقیسنه شهادت ایدیور.

بو، افندیلر، بر قومك یازی ایل یازیلماش اسکی تاریخیدر، بونسز ایلک کتابهلر زمانسندن قالان و مکتوب تلقی اولان تاریخك بیوک بر قسمی قرا کاک قالر.

بوایسه آخقی یازلمش تاریخدر. حالبوکه خلقی بوندن بیکرجه سنه اول کندی دنیاسنی یاشیوردی. بوقبل تاریخ دورلر و اودورلده وقوعات بیلنمه دن تاریخ نامی آلتنده بیلدکرمش اساسسز قالر و منشأ ده کی قارانقلردن صییر یلاماز.

آناطولی تورک لرینک یازلمش وثائقه مستمند تاریخی سلجوقلده اونبرنجی، نهایت اون اوچنجی عصرده باشلایور.

عرقلرک ظهورینه، وطن اصلی مسئله سیله مهاجرتلرینه، و جدانی حرشه دائر فکیرلرمن اولادن بر قاپ بیک سنه لك تاریخی بیامك، بره کومولن قوجه بر آغاچک یالکز ذروه سیله دالارینی کورمکله مساویدر. آغاچک بوداق، ساق و دامارلرینی کورمه دن تکمیل آغاچ حقنده اساسلی فکر یوروتهمیز.

تاریخی بیلکیلرمنک بونقصانلرینی خلق تدقیقاتی تلافی ایدر. تکامل بهرک بعض شعبه لرینک تدقیق و مقایسه سی نتیجه سنده ماضیده اولوب بیتن دیو آسا بر مجادله لك مختلف صفحه لری کوزلرمنک اوکنده تظاهر ایدر.

انسان، جغرافی محیطك واقلمك او یغونسز لقلرینه قارشی مختلف اقامتگاه تپلری، وسائط نقلیه، البسه ایجاد ایتدی. هر ساحه ده تکاملك مختلف استقامت لرینی کوروپورز. برچوق خصوصات منشأ لرله هجرت ایزلرینی کندیلرندن احتوا ایدرلر.

آخلق حسنی تسکین ایچون مختلف اقتصادی شکلر میدان کلدی. ابتدائی بشر بیکرجه سنه آوجیلیق و بالقجیلقله طفیلی (پارازیتك) طرز معیشتی ادامه ایتدکن صوکر اوزون تجربه لری نتیجه سنده چوبانلق و چیغجیلک کبی داهامکمل اقتصاد طرز لرینی آله ایتدی. مختلف طرز معیشت شعبه لرنده قوللانیلان

وسائطك آز وچوق تکمل ایتش نمونه لری بشرک طبیعتی تدقیق و ایجاد و قابلیتته شهادت ایدیورلر. بوتون اقوامك مدنیت تاریخنده حیوانات اهلیه و حبوباتك، حیوانات و نباتات جغرافیاسی نقطه نظرندن تدقیق آریجه مهمدر. بعض قوملرک وطن اصلیسنی، قبل تاریخ زمانلرده هانکی اقوامه قومشو اولدیغنی بوکی دلیللردن اوکره نیورز.

طبیعتك ویردیکی طاش، باقیر، برونز، دمیور کبی سرت موادك استعمالی و فیزیک قانونلرینک کشفی سایه سنده یکی آلات و ادوات شکلرینک ظهورله بر صره اختراعلرک دوری باشلیور. مختلف اقوام جغرافی محیطلرینه کوره داهام اول پاخود داهام صوکر، مستقل و بعضاً دیگر اقوامك تأثیر آلتنده اولارق مدنیتك مدهش عامللرینی آله ایدیورلر، بو مسئله لرک تدقیق تاریخه کچمه ین مهم دورلری تنویر ایدیور.

فقط بو طرزده یالکز مادی مدنیتك عنصرلرینی تدقیقله اکتفا ایتمه یلیر. مدنیت معنویه لك تکامل تاریخی خاق تدقیقاتك بو یوک و آیری بر قسمی تشکیل ایدیور. هراییک زمره عضوی صورتده یکدیگرله علاقه دار. در. برینی دیگرندن آیرمق ممکن دکلددر. مدنیت مادیه لك کوزه کوریلن و آله طوتیلان واسطه لری ناصل اوزون مجادله نتیجه سنده آله ایدلدی ایسه، عینی وجهله مدنیت معنویه منک بالعموم عناصری بو صورتله وجوده کلشدر. هیچ بر قومك، عمومیتله انسا. لك هوادن حاضر اوله رق ایتش حرقی موادی یوقدر. مادی و معنوی مدنیت منک بوتون عناصرینی انسان بولمشدر. تکامل طبیعی یا واش اولمشدر. بوکون مکمل بولدیغمز شکللر اسکیدن پک ابتدائی ایدی. مدنیت معنویه تکامل تاریخی تدقیق ایدن استادلردن انکلیز فراههز عیناً شولری سوبله یور:

« مدنیت مادیه ساحه سنده صنایعک ناصل بر طاش، برونز، دمیور دوری وارسه، عینی وجهله مدنیت معنویه ساحه سنده ده بوکون یاشایان مفهوملرک تشکله ده، طاش، برونز، دمیور دورلرینی تعیین ممکندر ».

قبل تاریخ زمانلری تدقیق ایدن بر عالم، قازماسیله یرک آلتنده بیکرجه سنه اول قوللانیلان طاش، برونز، دمیور آلات و ادواتی ناصل چیقاریرسه، عینی وجهله خلق تدقیقاتیه مشغول اولانلر علمك واسطه لرله خلق روحنك الكده رین طبقه لرینی آچارق

کورمه مقتدرلر . بفری اجمادلرک شایان حیرت
صناعتخانه سنده بو کوئی معنوی مدنیتیزی تشکیل
ایدهن اساس مفهوملرک الابدائی واسکی طرزلری
کوره بیلیرز . بو کون محققم آغاجلر کی کوزمنک
اوکنه دیکیلی مفهوملر ، تکاملک ایلك قدمه سنده
تفکرک ضعیف فیلزلی اولارق کوزوکور . خلق
مدنیتی تدقیق ایدهن بویکی علمک لابوراتوری
شایان حیرتدر . قبل التاریخ تپیده کی جدائی شکلاری
خلق روحنک بو کوئی تظاهرلرندن چیقارابیلور .
بهرک دماغنده برطوتان سحر قوی ، روح ،
آخرت ، انسان شکنده تصور ایکیلن ده مون
وتا کری مفهوملری بو تکامل بولارینی تمقیب ایدهرک
وکوچوک تفکر فیلزلرندن چیقارق داللی بودقل
بر آغاج حالی اکتساب ایتشدیر .

تورک خلق روحنک جدائی محصورلارینک مهم
بر قسمی قیریق دوکوک خلق اعتقادانده ، خلق
عادتلرنده و عنعنهلرنده یاشیور . بوتون بو خاطرهلری
خلق آغزندن اختصاصی بر طرزده طویلایمق
لازمدر . عالم ، آنولوژی مقایسه نریله بولردن معنوی
مدنیتک الک اسکی عناصرینی آییقلارسه ، هیز تورک
خلق روحنک بیکلرجه سنه اولکی خاطراتی محافظه
قابلیقنه حیرت ایدرز . اصل اوزمان خلقه داها
یاقلاشیر و خلق علمی معناسیله طایمیش اولورز .

خلق معنوی مدنیتنک سائر خلق صنعتی ، خلق
موسیقیسی کی تظاهرلری تدقیق ایچوند ده عین
وجهله دقتله طویلایوب تصنیف و تحلیل ایدیچی
اصوللری قوللانمالی یز . بو کون صنعت عنوانی آلتنده
طانیدیدیمز رسم و هیکل ایله ، رقص ، موسیقی ، تفی
ابدائی بفر ایچوند ده خوش وقت یکیرمه خادم
اکتنبه دکل ، بلکه بوتون اقتصاد عالمنده ، حیات
واولوم مسئله لرنده مهم رول اوینایان بویوجیاکک
ایفاسنه خادم حرکتلردر . بو حرکی عناصرک غیر
قابل احما اولوشی ، بوتون مانعلره رغماً یاشامق
ایسته ییمی بوندن ایلری کلیور . خلق روسی ، هیچ
بروقت بولردن آیرلق ایسته مدی وایسته میور .
بنلکمز طایمق ایسترسه ک ، خلقده کی بوتون
خصوصیتلری اوکره نک مجبوریننده یز .

خلق روحنک خزینهلری آراسنده نهایت اسکی
مادی و معنوی مدنیتیزی افاده یه خادم واسطه
اولارق دیل کوربورز . لسانک بوتون عناصری
طبیعی صورتده مدنیت بهرینه نک سائر

عناصری ایله برلکده تکامل ایدرلر . اشیا ایله
مفهوم یاخود اونک اسمی بر روح و بر وجوددر .
مدنیتی عکس ایتدیرهن بر لسان اولادن مدنیت
کندیسی قابل تصور دکلدیر . عینی وجهله طبیی
صورتده شکل ایدن هیچ بر لسانده بوقدرکه ، بویوک
کوچوک بر وحدت تشکیل ایدن خلق کتله سنک
خصوصی مدنیتی افاده ایتیش اولماسون . تورک
خلقنک لسانیده خلق کتله سی مدنیتنک عضوی
و غیر قابل تفریق عنصرینی تشکیل ایدر . طبیی
بوراده کی لساندن خلق لسانی قصایدییورم . بودیل
آناطول خلق کندی مادی و معنوی مدنیتنک افاده سی
ایچون عصرلردنبری قوللانارق تکمل ایتدیردی .
بو دیل بو کونده قوللانیور و طبیی صورتده اوندن
بر درلو آبریلایمور .

خلق لساننک تدقیق خلق مدنیتنه عائد سائر عناصرک
طویلانماسی و علمی صورتده معاینه سیله برابر بورور .
معنوی مدنیتک عناصری دوغریدن دوغری یه لایند
یاشار . یاخود لسان ایله آنجیق موجودیتلری آکلاشله .
بیلیر . خلق اعتقاداتی و خلق عنعنهلری و خلق ادبیاتی
عنوانی آلتنده طانیلان خلق ماساللری ، تورکیلر ،
ساولر دوغریدن دوغری یه لسان واسطه سیله بوکونه
قدر قالا بیلشدیر . فقط لسان کندی باشنه حدودسز
بر تدقیق موضوعی تشکیل ایدر . باشده لسانک فونه تیق
شکلنک تابییتی ، مختلف لهجه لره متعلق مونوغرافیکرک
احضاری ، لهجه حدودلرینک جغرافی صورتده تعینی
اک مستعجل وظیفه لرندن بریدر . امکان درجه سنده اصولی
لهجه لهنک احضاری خلق و لسان تدقیقاتی و ملی ادبیات
لساننک یاراتماسی نقطه نظرندن داها باشدن الک اساس
وظیفه لرک بریدر . بولفت یاپیلدی یی کون : « تورک لسانی
فقیر و انچه فکرلری افاده یه غیر مقتدر ، بناء علیه ادبیات
و علمده قوللانغه آلویریشیل دکلدیر . » طرزنده کی اساسسز
ادعالر بردن چورویه جکدر . تورک خلق لسانی
دیگر اقوامک لسانی کی پک اسکی زانکینلکلری
احتوا ایتکیده در . طبیعتنک قوجاغنده یاشایان
هر خلقک دیلی کی تورکجه نکده تصویر ی و تلوی
انجه لکلری واردر . کله تشکیلنه خادم اداتلرک
چوققلی و صرفینک الاستییتی طویلا سیله بوکونکی
مدنیت دیلنده قوللانیلان هیچ بر اصطلاح بوقدرکه ،
خلق دیلندن آلنان اساس کله لرندن قاعده وی کله لر
یاقق صورتیه افاده ایدلش اولماسون .
بوجدی هدفلرک هر بری جدی واسطه لرله قوه دن

فعله چیقاريله بیلیر. خلق تدقیق علمی هیئت عمومی سی یاخود تفرعاتی اعتباریله قاعده وی قانونیتلره استناد ایدن، صیق اصوله تابع وزنکین ادبیاتی حائز بر علمدر. سویلاکه حاجت یوقدرکه، حلی بکلنیلن بوبوک علمی وظیفه لرك علمی قسمی علمه تودیع ایجاب ایدر. بوشبهه سز بوبوک برایشدر. اساسلی بیلگی یه، سنه لره تقسیم ایدلش منتظم پروگرامه واهمیتی مادی فداکارلقلره متوقفدر. نتیجه اعتباریله بوتدقیقاندن نه بکلنیه بیلیر ؟

نتیجه معنوی ساحه ده ملی عامك وجوده کلسیدر. علم نتیجه اعتباریله بوتون انسانیتك مشترك خزینه سی اولاسنه رغماً هدفلی اعتباریله چوق دفعه ملی چرچوه دائره سنده حرکت ایدر. برعرقك تدقیقنه متوجه علوم تاریخیه ده بالخاصه بو بویه در. تورك خلقك حیاتی ایله علاقه دار اولان مسئله لر ملی علمك اك مهم عنصرلرنددر. هر مملكتده علمی جمعیتلر، آقاده میلر باشده بوملی عاملك وجوده کتیرله سی ایچون چالیشیرلر. بزکندی کندیملزه مشغول اولمازسه ق، باشقه ملتلك بزمله مشغول اولالری بیهوده بکارز. آناتولیك و تورك خلقك تدقیقی بوتون دنیا باشده تورك ملتندن بکلور. بواشی بنسه همهك، یاخود باشقه زمانه آصمقدن ضرر کوره چك بر ملت وارسه، اوده تورك ملتی در. اونوتیلان ویاخود محو اولان هر ماده ملتك وجودندن برقمسك اولوی دیمکدر.

آناتولی کی کله نك بوتون مناسیله علم حسابنه وملت حسابنه یکیدن کشف ایتك لازمدر. ذکر ایتدیكم بر چوق سؤاللر بوکون ایچون مجهول وقاراکاق بررصحیفه در. بونلر بیلنمه دن ملی علم یوقدر. ابتدائی، تالی و عالی مکتبلری تورك خلقك اساسلی وحقیقی تدقیقی اولمادن قابل تصورمیدر ؟ ملی علم و ملی مکتب اساساً یکدیگرینك ایکیز قارده. شیدر. تدریس اولوناچق ماده بی حاضرلامق علمك وظیفه سیدر. مکتب علمی نتیجه لری نقل ایدن واسطه دن باشقه برشی دکلددر. بین الملل علمك موادی، تدریس طریقه لره برلکده هر هانکی بر اجنبی ملتك درس کتابلرندن قولایچه ترجمه اولنه بیلیر، ملی استقامتده کی تدریساتك موادی کندیملز کندی هدفلر مزه کوره یاراتق مجبوریننده یز. خلقك طانغاسی، خلق حرثك وخلق روحك آکلاهورق تقدیری شعوری وطنپرورلکك اساس شرطلری تشکیل ایدر.

صحتك قدرینی ناصل که خسته اولدیغمز زمان بیلیر. رسهك، ملی حرثك لزومنی ده اونك بعض عناصرینه احتیاجز اولدینی زمان آکلاهورز. مسئله بی تنویر ایچون بر قاج منفی مثال آلام: هر كسك خاطره سنده در که، بر سنه مقدم آرمه مسابقه سی دولایسیله حاضرلانا غونه لر اطرافنده غزته لرده پك چوق تنقیدلر انتشار ایتدی. کنج و دینج دولتك آرمایه احتیاجی واردی. بواسکی اداره دن آیریلش ومظفر اخلاک برسمبولی اولاجقدی. مطلقیت دورینك بر سلاح موزه سنه یاقیدشان غریب آرماسی جمهوریتك کنج خاق بکنمه مکده حقلی ایدی. اصلنده آی ویلیدیزده اسکیدن آناتولی والجزیره ده یاشایان سامی اقوامك افسانه لرندن آلتمشه بکیزه بور، یکی دولته وکنجشن ملته یکی بر علامت فارقه آرامق اساساً چوق موافق حرکتدی.

مسابقه اعلان ایددی، نتیجه قیصر قالدی. ایچون؟ مسابقه یه اشتراك ایده لر بومسئله ایچون ایجاب ایدن معلوماتله مجهز دکلدیلر. قلمی اله آلانلرك باشده آرمه نه در بونی بیملری ایجاب ایدیوردی. تورکیه ده عمومیتله عائله لر آراسنده آرمه استعمالی مودا اولامشدی. باشده آرمه نك مدنیت تاریخی نقطه نظرندن منشائی و اونك اتنولوژی جه اولان ماهیتی بیامك مجبوریتده یز. علمك تحقیقاتنه کوره آرمه اصلنده قوم، قبیله کی بر اجتماعی زمره نك شجروی افسانه سنك افاده سیدر. بناء علیه بو علامت فارقه بو اجتماعی زمره نك تاریخی احتوا ایدر. ابتدائی آرمه لرك ایلک ظهوری جمعیتك توتهملک دورینه اصابت ایتدیکی جهته رسمك اکمهم عنصرینی قبیله نك حامیسی اولان توتهم حیوانی تشکیل ایدر. بوتوتهم حیوانی عمومیتله ابتدائی آرمارك تاجی در. توتهم خلق روحیات قاعده لری موجببنده قبیله نك باشی، منشائی و معبودی در. بو صورته خلق تدقیقاتی بزه آرمه نك محتویاتی ایله شکلده تعیین ایدیور. آوروپالیرك قولاندقلری تاریخی آرمارده هپ بو قاعده لره کوره میدانه کلشدر. شمدی داها ایلری کیده رك آرمانك محتویاتی تشکیل ایتمه سی ایجاب ایدن شجروی افسانه عناصرینی تورك عنعنه لرنده آرایه لم. افندیلم !

تورك خلقك شجره سنه متعلق افسانه بوکونه قدر اسکی متابعه تفصیلاتیه مقید اولدینی ایچون تورك ملتی دیگر برچوق ملتله نظرأ بوخصوصده بختیاردر. آرمه نك ومسئله نك حلی شبهه سز بوساحه ده

ذكري پكن سناصرى بواساس اوزرينه نمونه اولارق
تركيب ايتدم . آرمه نك رسمى صورتده مسابقه مدق
هرنه قدر چوقدن كچمش ايسه ده مسئله هنوز
حل اولاديني ايچون فكرى ايلرى سوربورم .
وتوركيه چهورى آرمه سى اولاق اوزره تورك
اوجاقلرى وافكار عموميه نك انظار تنقيدى اوكنه
وضع ايدبورم .

آرمه مسئله سنده اولديني كي ايكنجى اجتماعى
بر مسئله نك تدقيق
ايچون پنه منى جهندن
حركت ايدم : بوده
مى نشيده مسئله سندر .
هرملكك كندينه
مخصوص آرمه سى
اولديني كي ، ملك
قالدغه بوتون زمانلره
خطاب ايدم جك برمى
نشيده نك اولامى
لازمدر . نشيده نك
هر برسوزى خلق
روحك اك درى
كوشه سندن قونالى
وبسته نك هر
لغمه سى خلق روحك
آينه سى اولان خلق
موسيقيسى خزينه
سندن آلتش اولام
ايدر . بو نشيده مى
تظاهرات ائسانسده
وياخود اجنبلرك
قارشيسنده ماقى
تشيل وسيله لريله مطق
سويلنملى وياچالما .
ايدر . خلق ادبياتى ،
خلق موسيقيسى ،
مى نشيده ، هپسى عيني


آغاچك قرده ش چچكار ايدرلر . فقط بونلرده حرمترك
هره انكى برشمه سى كي اساسلى تبمه مفقردر .
تورك خلق ادبياتى ايله خلق موسيقيسى بيلورى بزم ؟
داها دوغرو برتميرله خلق مدنيتك بو محصوللرى
لرؤمى درجه سنده تقدير ايدبورمى بزم ؟
خلق ادبياتى تدقيقاتى آناطولى طور ائغنده
شمى به قدر داها زياده اجنبلر ياپدى ؟

آرامق ايجاب ايدر . اسكى براونفور افسانه سنك محافظه
اولونان ۱۳ نجي و ۱۴ نجي عصر ك آدمى اولان رشيد الدين
طبيبي نك خلقه اسناد ايتدىكى اسكى تورك افسانه سنده ،
۱۷ نجي عصرده پيشه ن ابولغازى بهادر خانك تاريخك
ويردىكى خبرلره كوره توركلرك ايلك جدى افسانه وى
برطرزده دوغوش اولان اوغوزدر . منابع تاريخيه ده
تورك عنواتى طاشيان سائر مختلف اقوامده هب
منشأ لرئى اوكا ارجاع ايدبورلر . افسانه شويله در :

اوغوز ايله سمان
ماوى ضيا حالسده
اينه ن قيرك ازدواجندن
آلتى چوق اولدى ،
كون ، آى ، ييله يز ،
كوك ، داغ ، دكيز . .
تورك خاقى بونلرك
اولاد ليدر . عننه
افسانه وى جدا اولان
اوغوزك مقدس
توتهمك نه دن عبارت
اولدغى ده محافظه
ايتدى . بو ، كوك تويل ،
كوك يله لى ارلك
قورددر . بوكاشرى
توركلرى (بويان)
ديبورلر . عننه
اوغوزك حربه كى
پارولاسنك ده نه دن
عبارت اولدغى بزم
خبر ويربور . بو
(دمير مزارق) در .
شرق توركلرى بو
پارولا به (اوران)
ديبورلر . اتولوژى نقطه
نظرندن هرا لديكك ،
يعنى آرمه فى نك
بالجمله مطالبه موافق

عناصرى احتوا ايتدىكى جهته تورك دواتنك آرمه سنى
يايقى ممكندر .

آرمه نك ژنه تولوژى نقطه نظرندن ايجاب ايدن
محتوياتى معلومدر . حامى عنصر اولان توتهمده
معلومدر . كرى به بوبيلكيلرى هرا لديك قواعديه
موافق صورتده تركيب قالير .



نه قدر اوزاقسه ، بوزنجی رقصاری ده آناتولی خلقنك روحندن اویلهجه اوزاقدیر . بزم کئندمزك ده ملی حرمتك بر عنصرینی تشکیل ایدن کوزل رقصارمن واردیر . هنوز بومی تورک رقصارینی دانس سالونلرینك قوسندن ایجری آلاقدی . حالبوکه برچوق اجنبی مسافرلر آراسنده بونلر ده مساوی وطنداشلق حقوقنی بخش ایتك ایجاب ایدر .

بوساحه ده ایلک یابیلجق ایش خلق مدینتک دیگر صفحاتنه اولدینی کی مملکتک مختلف محللر نه تدقیقات یابارق مختلف تورک رقصارنده کی قاعده وموسولری اوکره نك لازمدر . بوضوئرله عصری وملی تورک رقصنی یاراتمق ایچون ایجاب ایدن قابل استعمال وبدیی قیمتی حائز عناصر شهبه مز میدانه چیقاجقدیر . وایشته بورقصك سالونلر ده تعمیمی پك ممکندر .

صنایع نفیسه نك شعبه لرندن تورک صنایع تزیینیه سی ده عینی وجهله رواج بوله جقدیر . آنوغرافیاك بوشعبه ایلله علاقه دار چوق زتکین موادی یالکیز چالیشاق عمللر بکلور .

نهایت اك حیاتی احتیاجلر مژدن اولان واك باشده سولیمه سی ایجاب ایدن لساندن بحث ایدلم . بوموضوع باشلی باشنه اوقدز مهم و اوقدز زتکیندرکه ، لایقيله تدقیق ایچون دهل بر قونفرانس ، برحیات بيله کافی کلز . بوموضوع مهم اولدینی ایچوندرکه افکار عمومی متفکرلردن سرعتی بر فعالیت بکلور .

بوخصوصه وضعیت نه در ؟ و نه یاتمی لازمدر ؟ تورک عنصری آناتولی طوپراغنده ایلک کوروندیکی زمان کندیله آناتولی اولان آسیادن صاف تورکجه نی برابر کتیرمشدی . بو اك اسکی لهجه بوکون ده آناتولی ده یاشامقده در . یکی جغرافیا ، بیانیجی ملتلرله اولان قومشوق دهاصوکر کی حرثی ودینی تأثیرلردن طیبی بواسکی لهجه متأثر اولمشدر . فقط بوتون بونلر عمومی وزمانله غیر محدود قانونلرله کوره اولمشدر . عثمانی سلاله سی حکمدارلری تورکیه حکومتی آناتولی حدودلری ایچنده تورک و تورکله سن خلقه استناد ایدره رك تأسیس و آناتولی شهرلردن برینی پاتخت انخادیتش اواسه لردی ، خلق کندی لسان حدودلری ایچنده تکمل یولنه کیرمش وبویله شرائط ایچنده صاغلام وقوتلی ملی بر حکومت تشکیل ایتمش اولوردی . فقط عثمانی سلاله سی حکمدارلری ملتك طالعی باشقا درلوا اداره ایتدیلو . پاتخت (۱۳۶۵) دن اعتبار آتورک عرق و لسانك خارجه ، ادرنه به راشدی رلدی .

خلق موسیقیسی ایسه برچوقلری استعمالدن اسقاط ایتك ایسته یورلر . بعضیلری ظن ایدیورلرکه ، غرب موسیقیسی هوادن ایغش بر ماده در . خایر غرب موسیقیسی ده کندیسنك طبیعی منابعندن بسا نیور . قوت ، نك واصلیکنی اورادن بولیور . شمدی ده بوتون دنیاده طاینان ایکی مجار بسته کارینك ، بارتوق به لا ایلله قودائی نك مسلك وحیاتی کوزلرمك اوکته کلیور . هرایکسی موده رن قومپوزیتورلردن اولمالرینه رغماً پشته اتنوگرافیا موزه سنده چالیمقه باشلادیلر . فونوغراف آلات و ادواتی ایلله خلق آراسنده ، کویلر ده سنه لرجه دولاشارق خلق آغزندن بیکلرجه شرقی ، اویلا دیلر . صوکر ا موزه نك دیوارلری آراسنه عودتله بونلری تدقیق و تحلیل ایتدیلر . خلق مو . سیقیسنك قاعده وموسولرینی ، روحنی تثبیت ایلله جدی علمی اثرلر یازدیلر . هرایکسی عینی زمانده صنعتکاردی . خلق روحی اونلرله اك قوتلی الهام منبی اولدی . خلق روحك تأثیری آلتندء بربری آرقه سی بر برندن کوزل اثرلر میدان قویدیلر . بو اثرلری بوکون بوتون دنیا سوده رك دیکله یور .

آناتولی نك بوساحه ده نه کی خزینلر احتوا ایتدیکی عجبا بیلیوری یز ؟ ایلک وظیفه من بونلری طویلا یه رق تحلیل و تدقیق ایتك اولمالیدر . نتیجه ده ملی موسیقیمز تشکلی ایده جکدر . بوموسیقی نه اولورسه اولسون بزمدر .

اونك ایچون کوزل اولاجقدیر . هیچ اولمازسه بزم کئندمز ایچون کوزل اوله جقدیر .

رقص مسئله سنده ده بویله یز . سالونلر ده بوکون آفریقا زنجیلرینك رقصارینی ته پیورز . بورقصلر دوغریدن دوغری به آفریقا اورمانلردن چیقما دی ، بلکه آمریقاییلرک اخراجات مالی اولارق کمرکمز مملکته کیردی . و آمریقادامقاسنی طاشیدینی ایچون بونلرله غرب محصولی اولارق باقیورز . شونی اونو قاملی یز که ، آمریقانك حرثی شرائطی آوروپانک کئندن بوسبوتون آیریدر . یکی دنیانك تام معناسیله ملی خصوصیتی وملی عنعنه سی یوقدر . هیچ اولمازسه ملی صنعت ساحه سنده فقیرلک بوراده درخال کوزه چارپیور . اونك ایچون بوراده موسیقی ورقص اسارتدن قورتیلان زنجیلرک تأثیری آلتندء تشکلی ایتدی . بوکون آوروپانك هر طرفنده بویابانجی وقابازنجی حرثه قارشى نفرت اویانمشدر .

آناتولی ، آفریقا اورمانلردن مسافه اعتباریله

(۱۶۵۳) ده اداره مرکزی ایکنجی بر اجنهی محیط اولان استانبوله یرلشدیردیلر . بین الملل ماهیتی حائر اولان بو شهر مرکزی رولنی اختلاک ظفرینه قدر محافظه ایتدی . .

امپریالیست سترای محیطنده ، بواجنهی طوپراغنده دیگر براجنهی محیطدن کان دینک تأثیری آلتنبده بابانجی روح طاشیان بر اداره لسانی تشکیک ایتدی . عثمانی سلاله سنک حمایه سنده تشکیک ایدن بوصنی دیله (عثمانی لسانی) اسمی ویرلدی . عرب عجم کله لرینک خلیطه سنندن وجوده کان بولسانده . تورک کله لرینک نسبتی پک آشاغی قالییوردی . عثمانلیجه مدرسه ، سرای ، قوناقلرده و اداره محیطنده عصر لرجه قوللانیلیدی .

بوصنی لسانی آنجیق اداره جیلرانی کوتواوکره نه . بیلییوردی . حقیقتده بولسانی قونوشان خاق هیچ بر یرده یوقدی . عرق نقطه نظرندن (عثمانی ملتی) نصل بولنیور ایدی ایسه ، حقیقی تورک برلکی بولسانی هیچ یمسه میوردی .

عثمانلیانی برینه تورکچیلک قائم اولدینی زمان بوبوک برخطایا بیلیدی . تورک جمعیتی نیک یکی بر طرزده تشکیکی آئنده تورکجه کله سنی تنقیدسز عثمانلیجه برینه قوللاندیلر . حالپوکه اصل تورکجه یی قونوشان و تورک اسمنی طاشیان کنیش خلق طبقه سنک روحنه بو خلیطه لسان چوقی بابانجی ایدی .

کنج جمهوریته قالان بو خلیطه لسان عثمانی سلطنت دورینک اک طایفه بر میرانی در . ملیتسز سلاله یی اختلال سوپوردی ، عرب دینک خلیفه لک مؤسسه سی بیقیلیدی ، مدرسه لک فپولری ابدیاً قاپاندی فقط اسکی ملیتسز روح لک قارائلق برکولکسه سی اولان عثمانلیجه باشمک اوستنده بوکون بیله اوطوریور .

امپراطورانی دورینک بو کهنه میرانی جذری بر صورتده حل اولدینی زمان آنجیق اجتماعی اختلال تمام اولاجقدر .

لسان مسئله سی ملت ایمچون بر حیات و محات مسئله سیدر . . حسابسز عربجه و عجمجه کله آراسنده برقاچ نادر تورکجه کله یی قوللانیق ، یاخود برقاچ صافی تورکجه شعر یازمقله بوچیقماز سولاقدن قورتیلا . مایز . بوساحه ده جذری و اصولی تجده احتیاج واردر . صافی واک سوکنجی تورک کویاوسی طرفندن ده آکلاشیلاجق رسمی اداره لسانی ایله تدریس لسانه و ادبیاته احتیاج واردر .

طبیعی درکه ، بویکی ادبی تورک لسانی کندی کندینه طوپراقدن بوبومه به جکدر . بو نسل عصر لک احوالی دوزمه لک وظیفه سی قارشیتنبده در . هر شیدن اول خلقک لسان خزینه سی آدم عقلی بیلک ایجاب ایدر . آناتولی لهجه لانیلری فونه نیک و لسانیات علم لرینک مطالبنه کوره طویلاقی ، صافی تورک لسانک تابع اولدینی نظامی بولوب چیقارمق شرطدر . نتیجه ده خلقک بوکونکی روح و ذهننه اویغون زنگین ورنکی بر تورک لغت خزینه سی میداننه چیقاجقدر . بوندن هنوز علمی اصطلاحات ، بوکونکی عصری حیاتک بر سورو افاده سی اکسیک اولاجقدر . بونلری تجدد لسان اصولیه موجود کله لک جذر لرندن استفاده ایله معلوم شکله کوره یارائقی لازمدر .

بوبوک کوچوک هر برملک حرئی تکاملنده بو ایلک شرطدر . .

بو یکیلکک برچوق فدا کارلره متوق اولدینی سوبیلکی زائد بولوبورم . ماتریالک طویلانسی و اوکا استناد ایکی برشی وجوده کنیرله سی اختصاصی بیلکی به متوققدر . بوتون ملک آل برلکی ایله چالیشی ده شرط اعظمه ر . بوراده باقی ، ندیم یاخود عبدالحق حامدک تفلیسی موضوع بحث دکلدیر . هپسی ماضینکدر . حالپوکه خاق استقبال کدر . عثمانی حکمدارلری آتی یوزسنه دنبری بو خطالی یوله یورودی دیبه بوتون ملک کله بک عصر لرده عبی قیصر یوله یورومه سی ایجاب ایده من .

خله جیلنی بن بوشکله و بومعاده آکلیورم . بوکله نیک تاریخ اجنابعیاته دکل ، بلکه حرئی اهمیتنی تقدیر ایدیورم . یوقاریده ذکر اولونان خلقی عنصرلر اولادن ملی حرثدن بحث ایتمک جائز دکلدیر .

قونفرانسم بو نقطه ده غربچیلکی مسئله سنه باغلانیور . بلکه بو قسیمی قیصه کسمه تعجب ایده جکارددر . اولکی قسلردن صوکرآ آبریه جه غربچیلکدن بحث زائددر . زیرابونلر غربک روحنی تشکیک ایتمکده در . غربچیلک خللجیلکی دیمکدر .

ایچمزدن چوقلری غربده سیاحت ایله اونلرک حرئی تفوقلرینه حیرت ایدیورلر . بهضیلری غربک قدرتی صنعتک تکاملنده کوریورلر . بهضیلری غربک قوتی اقتصادی طرز لک مکملیتنده بولوبور ، دیگرلری ایسه غربک ترقیسی عامک ترقیسی دستوری ایله افاده ایدیورلر . بوتون بونلر دوغریدر ، فقط بونلر آوروپا حیاتنک بر جهندن کورونوشی در . بوتون بونلر

عرقنده وحرشده وحدت کوستردن ملتر آنجوق
قوتلیدرلر . وحدتدن هر شیئی امال ایده بیلیرز .
یا لکن کنیش خلق طبقه سنی امال ایده مه یز .
ملی حرثک اساسنی خلقجیلوق تشکیل ایده ر، غرب
مدینتک روحی ده خلقجیلوق در .

قناعتجه ملی حرث معبدینه بویول سوق ایدر .
بویول اوزون در وبویوک تومسه کلی در . فقط بو
یولک نهایتنده کی قایا اوستنده کی معبدک دیوارلرینه
سیلنمز حرفلره شونلر یازیلیدر : یکو خود ، مدنی
وقدرتلی ملت . عصرلرک فیرطنه لری کله بیلیر . سما
قاریشه بیلیر . تقدیرک شمشکلی تپه مزده چاقا بیلیر .
فقط بومعبدی هیچ بر انسان قوتی ییقاماز . زیر
اوصالانماز بر قایا اوزرینه انشا ایدیلشد بر قایا
خلقدر .

سیرجینک کوزینه چاربان ایلک ظاهری نقطه لردر .
غرب حرثک اساسی و غربک روحی طبیعی صاغلام
و اساسلی عاملره مستنددر . صنعتی ، اقتصادی ،
علمی هپ انسان یاراتشد . مرکز ثقلت باشده
انسانک شعوری برطرزده یتیشدیرلمسنددر . هر بر فرد ؛
بر جغرافی محیطده کی حرثدن عینی درجه ده حصه دار
اولمیدر . آنجوق بو حرثی اشتراک سایه سنده ملت
ودولت دنیلن بویوک قولله کتیف برلکلیر وجوده
کله بیلیر . صنعتک ، اقتصادی حیاتک و عامک آلمق
سویه سنده بولونان بر ملتی تصور ممکندر . فقط
صناعتک ، اقتصادی حیاتک و عامک یوکسک سویه ده اولماق
ملت مفهومی وجوده کتیره مز بزم ایچون آوروپادن
یا لکن بو خارجی تظاهری و اشکالی آلمق دکل ، بلکه
اواساس شرائطی تأمین ایتکاکمز ایجاب ایده ر .

